



საქართველოს განათლებისა და მეცნიერების მინისტრი

ბრძანება № 745

თბილისი

„23“ 08 2017 წ.

უმაღლეს საგანმანათლებლო დაწესებულებებში სოციალური პროგრამის ფარგლებში იმ სტუდენტების მიერ სახელმწიფო სასწავლო გრანტით დაფინანსების მისაღებად წარსადგენი განცხადების ფორმისა და დოკუმენტების ნუსხის დამტკიცების შესახებ, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე

„საქართველოს მთავრობის სტრუქტურის, უფლებამოსილებისა და საქმიანობის წესის შესახებ“ საქართველოს კანონის 21-ე მუხლის, „საქართველოს განათლებისა და მეცნიერების სამინისტროს დებულების დამტკიცების შესახებ“ საქართველოს მთავრობის 2004 წლის 21 მაისის N37 დადგენილებით დამტკიცებული „საქართველოს განათლებისა და მეცნიერების სამინისტროს დებულების“ მე-3 მუხლის მე-2 პუნქტის „მ“ ქვეპუნქტის, „უმაღლეს საგანმანათლებლო დაწესებულებებში სოციალური პროგრამის ფარგლებში იმ სტუდენტების სახელმწიფო სასწავლო გრანტით დაფინანსების ოდენობისა და პირობების განსაზღვრის შესახებ, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე“ საქართველოს მთავრობის 2017 წლის 11 აგვისტოს N395 დადგენილების მე-8 მუხლის პირველი პუნქტის საფუძველზე და საქართველოს განათლებისა და მეცნიერების სამინისტროს უმაღლესი განათლებისა და მეცნიერების განვითარების დეპარტამენტის უფროსის მოადგილის, სტუდენტთა სოციალური ხელშეწყობის სამმართველოს უფროსის 2017 წლის 16 აგვისტოს N945317 სამსახურებრივი ბარათის გათვალისწინებით

ვბრძანებ:

1. ამ ბრძანების დანართი N1-ის შესაბამისად დამტკიცდეს უმაღლეს საგანმანათლებლო დაწესებულებებში სოციალური პროგრამის ფარგლებში იმ სტუდენტების მიერ სახელმწიფო სასწავლო გრანტით დაფინანსების მისაღებად წარსადგენი განცხადების ფორმა, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე.
2. ამ ბრძანების დანართი N2-ის შესაბამისად დამტკიცდეს უმაღლეს საგანმანათლებლო დაწესებულებებში სოციალური პროგრამის ფარგლებში იმ სტუდენტების მიერ სახელმწიფო

სასწავლო გრანტით დაფინანსების მისაღებად წარსადგენი დოკუმენტების ნუსხა, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე.

3. დაევალოს საზოგადოებასთან ურთიერთობის დეპარტამენტს ამ ბრძანების გამოქვეყნება საქართველოს განათლებისა და მეცნიერების სამინისტროს ოფიციალურ ვებგვერდზე.

4. ბრძანება ძალაშია ხელმოწერისთანავე.

5. ბრძანება შეიძლება გასაჩივრდეს მისი გამოცემიდან ერთი თვის ვადაში თბილისის საქალაქო სასამართლოში (მის.: ქ. თბილისი, აღმაშენებლის ხეივანი, მე-12კმ. N6).

ალექსანდრე ჯეჯელავა

განათლებისა და მეცნიერების სამინისტრო

საქართველოს განათლებისა და მეცნიერების
მინისტრს ბატონ ალექსანდრე ჯეჯელავას

მოქალაქე

(გვარი, სახელი, მამის სახელი)

.....
(პირადი ნომერი)

გ ა ნ ც ხ ა დ ე ბ ა

..... წელს ჩავირიცხე.....

(მიუთითეთ ჩარიცხვის წელი)

.....
(უმაღლესი საგანმანათლებლო დაწესებულება, საგანმანათლებლო პროგრამა)

მივეკუთვნები საქართველოს მთავრობის 2017 წლის 11 აგვისტოს N395 დადგენილებით განსაზღვრულ
შემდეგ კატეგორიას/კატეგორიებს:.....

.....
(მიუთითეთ კატეგორია/კატეგორიები)

გთხოვთ, განიხილოთ ჩემი კანდიდატურა სოციალური პროგრამის ფარგლებში სახელმწიფო სასწავლო
გრანტით დაფინანსების მიზნით.

დანართი: ფურცელი.

შენიშვნა: განმცხადებელი ვალდებულია წარმოადგინოს ყველა ის დოკუმენტი, რომელიც მოეთხოვება
განცხადებაში მითითებული კატეგორიის/კატეგორიების მქონე პირს.

წარმოდგენილი დოკუმენტაცია:

განმცხადებლის საკონტაქტო ინფორმაცია:

მისამართი.....

ტელეფონიმობილური

ვადასტურებ წარმოდგენილი დოკუმენტაციის და ინფორმაციის ნამდვილობას და ვაცნობიერებ
აღნიშნულთან დაკავშირებით ჩემს პასუხისმგებლობას. თანახმა ვარ, ინფორმაციის დაზუსტების მიზნით,
საქართველოს განათლებისა და მეცნიერების სამინისტრომ დაამუშაოს ჩემი პერსონალური მონაცემები.

განმცხადებლის ხელმოწერა განცხადების შევსების თარიღი.....

უმაღლეს საგანმანათლებლო დაწესებულებებში სოციალური პროგრამის ფარგლებში იმ სტუდენტების სახელმწიფო სასწავლო გრანტით დაფინანსების მისაღებად წარსადგენი დოკუმენტების ნუსხა, რომლებიც ერთიანი ეროვნული გამოცდების შედეგების საფუძველზე სწავლობენ აკრედიტებულ უმაღლეს საგანმანათლებლო პროგრამებზე

1. სტუდენტებმა, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს მაღალმთიანი და ეკოლოგიური მიგრაციის რეგიონებში არსებულ ზოგადსაგანმანათლებლო დაწესებულებაში, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

- 1.1. განცხადება;
- 1.2. საქართველოს მოქალაქის პირადობის მოწმობის ასლი;
- 1.3. სრული ზოგადი განათლების დამადასტურებელი დოკუმენტის ასლი;

2. სტუდენტებმა, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს აზერბაიჯანულენოვან ან სომხურენოვან ზოგადსაგანმანათლებლო დაწესებულებაში, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად, საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

- 2.1. განცხადება;
- 2.2. საქართველოს მოქალაქის პირადობის მოწმობის ასლი;
- 2.3. სრული ზოგადი განათლების დამადასტურებელი დოკუმენტის ასლი;
- 2.4. ცნობა ზოგადსაგანმანათლებლო დაწესებულებიდან შესაბამის სკოლაში ბოლო სამი წლის განმავლობაში სწავლის შესახებ, სწავლების ენის მითითებით.

3. სტუდენტებმა, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს საჩხერის მუნიციპალიტეტის სოფელ პერევეში არსებულ ზოგადსაგანმანათლებლო დაწესებულებაში ან 2008 წლის 7 აგვისტომდე, ბოლო ერთი წლის განმავლობაში სწავლობდნენ საჩხერის მუნიციპალიტეტის სოფელ პერევეში არსებულ ზოგადსაგანმანათლებლო დაწესებულებაში, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

- 3.1. განცხადება;
- 3.2. საქართველოს მოქალაქის პირადობის მოწმობის ასლი;
- 3.3. სრული ზოგადი განათლების დამადასტურებელი დოკუმენტის ასლი;
- 3.4. ცნობა ზოგადსაგანმანათლებლო დაწესებულებიდან შესაბამის სკოლაში ბოლო ორი წლის განმავლობაში სწავლის შესახებ, ან ცნობა 2008 წლის 7 აგვისტომდე შესაბამის სკოლაში ბოლო ერთი წლის განმავლობაში სწავლის შესახებ.

4. სტუდენტებმა, რომლებიც არიან საქართველოს ტერიტორიული მთლიანობისათვის ბრძოლებში დაღუპულთა და უგზო-უკვლოდ დაკარგულთა შვილები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

- 4.1. განცხადება;

4.2. საქართველოს მოქალაქის პირადობის მოწმობის ასლი;

4.3. დაბადების მოწმობის ასლი;

4.4. სსიპ ვეტერანების საქმეთა სახელმწიფო სამსახურის მიერ გაცემული მოწმობის ასლი, რითაც დასტურდება, რომ სტუდენტი არის საქართველოს ტერიტორიული მთლიანობისთვის ბრძოლაში დაღუპულის შვილი ან ცნობა მშობლის საქართველოს ტერიტორიული მთლიანობისთვის ბრძოლაში უგზო-უკვლოდ დაკარგულად აღიარების შესახებ;

4.5. მშობლის/მშობლების გარდაცვალების მოწმობის ასლი/ასლები.

შენიშვნა: საქართველოს ტერიტორიული მთლიანობისთვის ბრძოლებში დაღუპულთა და უგზო-უკვლოდ დაკარგულთა შვილები, რომლებიც ჩარიცხული არიან 2013-2016 წლების ერთიანი ეროვნული გამოცდების შედეგად და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა, უნდა წარმოადგინონ ასევე ცნობა უმაღლესი საგანმანათლებლო დაწესებულებიდან.

5. სტუდენტებმა, რომლებიც არიან ყოფილი სსრკ-ის მიერ XX საუკუნის 40-იან წლებში საქართველოს სსრ-დან იძულებით გადასახლებულ პირთა შთამომავლები და მოპოვებული აქვთ რეპატრიანტის სტატუსი, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

5.1. განცხადება;

5.2. საქართველოს მოქალაქის პირადობის მოწმობის ასლი;

5.3. ცნობა საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროდან რეპატრიანტის სტატუსის მინიჭების შესახებ;

6. სტუდენტებმა, რომლებიც არიან ობოლნი (გარდაცვლილი ჰყავთ დედ-მამა), სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

6.1. განცხადება;

6.2. საქართველოს მოქალაქის პირადობის მოწმობის ასლი;

6.3. დაბადების მოწმობის ნოტარიულად დამოწმებული ასლი;

6.4. დედ-მამის გარდაცვალების მოწმობების ნოტარიულად დამოწმებული ასლები ან სასამართლო გადაწყვეტილების დამოწმებული ასლი მშობლების გარდაცვლილად გამოცხადების შესახებ.

შენიშვნა: ობოლი (გარდაცვლილი ჰყავთ დედ-მამა) სტუდენტები, რომლებიც ჩარიცხული არიან 2013-2016 წლების ერთიანი ეროვნული გამოცდების შედეგად და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა, უნდა წარმოადგინონ ასევე ცნობა უმაღლესი საგანმანათლებლო დაწესებულებიდან.

7. სტუდენტებმა, რომლებიც არიან მრავალშვილიანი ოჯახის (ოთხი და მეტი შვილით) წევრები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

7.1. განცხადება;

7.2. საქართველოს მოქალაქის პირადობის მოწმობის ასლი;

7.3. განმცხადებლის და მისი და-ძმების დაბადების მოწმობების ნოტარიულად დამოწმებული ასლები.

8. სტუდენტებმა, რომლებიც არიან მკვეთრად/მნიშვნელოვნად/ზომიერად გამოხატული შეზღუდული შესაძლებლობის მქონე პირები, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

8.1. განცხადება;

8.2. საქართველოს მოქალაქის პირადობის მოწმობის ასლი;

8.3. მკვეთრად/მნიშვნელოვნად/ზომიერად გამოხატული შეზღუდული შესაძლებლობის დამადასტურებელი სამედიცინო ცნობის (ფორმა №IV-50/4) ნოტარიულად დამოწმებული ასლი.

შენიშვნა: მკვეთრად/მნიშვნელოვნად/ზომიერად გამოხატული შეზღუდული შესაძლებლობის მქონე პირები, რომლებიც ჩარიცხული არიან 2013-2016 წლების ერთიანი ეროვნული გამოცდების შედეგად და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა, უნდა წარმოადგინონ ასევე ცნობა უმაღლესი საგანმანათლებლო დაწესებულებიდან.

9. სტუდენტებმა, რომლებიც ბოლო სამი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს საქართველოს ოკუპირებულ ტერიტორიებთან გამყოფი ხაზის მიმდებარე სოფლებში არსებულ ზოგადსაგანმანათლებლო დაწესებულებებში, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

9.1. განცხადება;

9.2. საქართველოს მოქალაქის პირადობის მოწმობის ასლი;

9.3. სრული ზოგადი განათლების დამადასტურებელი დოკუმენტის ასლი;

10. სტუდენტებმა, რომლებიც იმყოფებიან სახელმწიფო ზრუნვის ქვეშ (სააღმზრდელო საქმიანობის განმახორციელებელთან ან მინდობით აღზრდაში) ან გასული არიან სახელმწიფო ზრუნვიდან ბოლო სამი წლის განმავლობაში და იმყოფებოდნენ სახელმწიფო ზრუნვის ქვეშ მინიმუმ ორი წლის განმავლობაში, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

10.1. განცხადება;

10.2. საქართველოს მოქალაქის პირადობის მოწმობის ასლი;

10.3. საქართველოს შრომის, ჯანმრთელობისა და სოციალური დაცვის სამინისტროს სახელმწიფო კონტროლს დაქვემდებარებული საჯარო სამართლის იურიდიული პირის მიერ გაცემული შესაბამისი დოკუმენტი.

11. სტუდენტებმა, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში და მათი ოჯახების სარეიტინგო ქულა ტოლია ან ნაკლებია 70000-ზე, სოციალური პროგრამის ფარგლებში სახელმწიფო სასწავლო გრანტით დაფინანსების მოსაპოვებლად საქართველოს განათლებისა და მეცნიერების სამინისტროში 2017 წლის 29 სექტემბრის ჩათვლით უნდა წარმოადგინონ:

11.1. განცხადება;

11.2. საქართველოს მოქალაქის პირადობის მოწმობის ასლი;

11.3. ამონაწერი სოციალურად დაუცველი ოჯახების მონაცემთა ერთიანი ბაზიდან.

შენიშვნა: სტუდენტებმა, რომლებიც რეგისტრირებულნი არიან სოციალურად დაუცველი ოჯახების მონაცემთა ერთიან ბაზაში და მათი ოჯახების სარეიტინგო ქულა ტოლია ან ნაკლებია 70000-ზე და რომლებიც ჩარიცხული არიან 2015 და 2016 წლების ერთიანი ეროვნული გამოცდების შედეგად

და ვერ მოიპოვეს გრანტის სრული ოდენობა ან მოიპოვეს გრანტის ნაწილობრივი ოდენობა, უნდა წარმოადგინონ ასევე ცნობა უმაღლესი საგანმანათლებლო დაწესებულებიდან.

12. სტუდენტებმა, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს აფხაზეთის ავტონომიურ რესპუბლიკაში არსებულ ზოგადსაგანმანათლებლო დაწესებულებებში, ან რომელთა სრული ზოგადი განათლების აღიარება მოხდა საქართველოს განათლებისა და მეცნიერების სამინისტროს მიერ დადგენილი წესით, ასევე სტუდენტები, რომლებიც 2008 წლის 7 აგვისტომდე, ბოლო ერთი წლის განმავლობაში სწავლობდნენ ოკუპირებულ ტერიტორიაზე, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, სოციალური პროგრამის ფარგლებში დაფინანსების მისაღებად აფხაზეთის ავტონომიური რესპუბლიკის განათლებისა და კულტურის სამინისტროში 2017 წლის 29 სექტემბრის ჩათვლით უნდა წარადგინონ შემდეგი დოკუმენტაცია:

- 12.1. განცხადება;
- 12.2. საქართველოს მოქალაქის პირადობის მოწმობის ასლი;
- 12.3. სრული ზოგადი განათლების დამადასტურებელი დოკუმენტის ასლი;

13. სტუდენტებმა, რომლებიც ბოლო ორი წლის განმავლობაში სწავლობდნენ და სრული ზოგადი განათლების დამადასტურებელი დოკუმენტი მიიღეს ცხინვალის რეგიონში (ყოფილი სამხრეთ ოსეთის ავტონომიური ოლქის ტერიტორიები), მათ შორის ქურთის, ერედვისა და ახალგორის მუნიციპალიტეტებში არსებულ ზოგადსაგანმანათლებლო დაწესებულებებში, ან რომელთა სრული ზოგადი განათლების აღიარება მოხდა საქართველოს განათლებისა და მეცნიერების სამინისტროს მიერ დადგენილი წესით, ასევე სტუდენტები, რომლებიც 2008 წლის 7 აგვისტომდე, ბოლო ერთი წლის განმავლობაში სწავლობდნენ ცხინვალის რეგიონში (ყოფილი სამხრეთ ოსეთის ავტონომიური ოლქის ტერიტორიები), მათ შორის ქურთის, ერედვისა და ახალგორის მუნიციპალიტეტებში არსებულ ზოგადსაგანმანათლებლო დაწესებულებებში, ხოლო სრული ზოგადი განათლების დამადასტურებელი დოკუმენტი მიიღეს ოკუპირებული ტერიტორიის ფარგლებს გარეთ, სოციალური პროგრამის ფარგლებში დაფინანსების მისაღებად სამხრეთ ოსეთის ადმინისტრაციაში 2017 წლის 29 სექტემბრის ჩათვლით უნდა წარადგინონ შემდეგი დოკუმენტაცია:

- 13.1. განცხადება;
- 13.2. საქართველოს მოქალაქის პირადობის მოწმობის ასლი;
- 13.3. სრული ზოგადი განათლების დამადასტურებელი დოკუმენტის ასლი.